

四庫全書

子部

欽定四庫全書

圖書編卷八十一

明 章潢 撰

吏曹總敘

人君代天子民故曰天子冢宰不過天子冢相耳名曰天官豈尊之以空名哉蓋冢宰百官之長百政所從出也雖太宰少宰內宰宰夫各有攸司凡外而王朝中而王宮上而九重之闕失下而庶僚之臧否皆

其所統也夫無所不統者天也天官之職得而司之  
無非奉若天道佐天子以統理天下之治也書曰亮  
天功曰代天功皆此義也天運三百六十五度而七  
曜列宿莫不旋繞萬物資以生殖故天為羣物之祖  
天官統三百六十屬而百司庶府莫不屬翼萬民賴  
以康阜故天官為百寮之長然則官以天名豈他官  
可得而並哉虞九官其長使宅百揆周六官太宰掌  
建邦六典任大職重有如此秦漢建置失尚未遠奈

何宮中府中本一體也厥後內外分而宮中之事非冢宰所得聞矣治軍治民本一事也厥後兵農分而武職之任非冢宰所得與矣其所掌者特銓選官職考課殿最以黜陟之耳然其職雖分天官之名唐宋以來如故也我朝改為吏部尚書即周天官卿也侍郎周少宰也所屬四司文選驗封稽勲考功雖未必如周冢宰所統之全然官司職掌乃天下民命所係其銓選考課皆掌之天官故自代天子民之意觀之

孰非天乎果循天官之名體上天仁愛元元之心不  
執一己意見以品秩天下之賢才不徇一己愛憎與  
人之毀譽以進退天下之能否為民擇官因材授職  
資格祇以限凡品要地必以處仁賢久任超遷並行  
不悖汲引一天之公也甄別一天之明也勲爵頒之  
生前贈諡錫之身後一天之所以彰有德也庶乎天  
官名稱其實否則天之視聽在民而下負生民其褻  
天負天為何如哉

虞 官 制

九 官

司空 后稷 司徒 士 工 虞 秩宗 典樂 納言

十 二 牧

冀州牧 兗州牧 青州牧 徐州牧 揚州牧 營州牧

并州牧 豫州牧 雍州牧 梁州牧 荊州牧 幽州牧

前古官制或紀之以鳥或紀之以雲非後代之所沿襲無論已而後之所準以為法者非虞廷之制乎九官治內十二牧治外其屬不詳而大畧不出此何其簡而要也然古人稱無為而治者必曰有虞豈虞廷官制獨與後代異哉各代因革不盡同揆之九官十二牧不甚相遠而其居九官者果如禹稷契臯陶伯益其人乎夫禹稷契臯陶伯益聖人也其才各有所長故稽之虞書禹長於平水土而官司空稷長於播百穀而官后稷契長於敷五教而官司徒臯陶長於明五刑而官士以至垂之工益之虞夷

之禮變之樂龍之納言其官之所職者孰非其所長者况禹長於水土之平不恥其不善明刑設舉禹明刑恐未必如皋陶而以治水責之皋陶想未必愈於禹也稷長於百穀之播不恥其不善敷教設舉稷敷教恐未必如契而以播穀責之契想未必優於稷也是以羣聖人之德而其長不相兼且終身未聞其兼官亦未聞其改官也故德懋懋官舉能其職終身不更其所長如史遷之終於史韓柳之終於文李杜之終於詩各以一長名家此所以地平天成五穀熟而五教敷禮樂刑政莫不底績虞廷百



察師師熙帝載亮天工用是道也况設官本以為民也故臯陶  
謨曰在知人在安民又曰知人則哲能官人安民則惠黎民懷  
之仁知並行此乃帝王設官為民之本意也是故孔子因樊遲  
問知曰知人問仁曰愛人舉直錯諸枉能使枉者直知人即所  
以愛人也觀舜有天下選於眾而不仁者遠可見矣孟子謂知  
者無不知也當務之為急仁者無不愛也急親賢之為務而  
急務即在親賢也觀堯舜之知不徧物仁不徧愛人而先務急  
親賢可見矣後代不明仁知合一之學故學之平日者非所用

也用之他日者非所長也貢舉視浮言為品題銓選循資格為  
遷轉今日握銓衡明日司錢穀今日掌禮樂明日司刑獄舉羣  
聖人不能兼者責備於一人即平日未嘗問學者取辦於一旦  
上之人不問其能與不能而任之官下之人不自知其能與不  
能而當其事上下蒙昧苟且塞責知人者誰乎安民者誰乎總  
總然祇詳於官職煩簡之論抑末矣又安望虞廷之盛治乎嗚  
呼讀尚書而考官制深於虞之九官十二牧周之三公三孤有  
深慨焉志虞周之治化者幸無視此為儒生之常談云

周官三公六卿圖

太師

成王時則周公繼以  
畢公康王仍用畢公  
宣王則皇父

少師

三少  
未詳

太傅

成王時初用畢公末  
毛公按顧命毛問召  
畢二公既二人為師  
保則毛為傅矣

少傅

疑官  
不備

太保

武王  
成王  
康王

並召公

少保

太宰

成王時周公兼  
康王時召公兼  
成王則苗伯穆

其屬六  
十三

司徒

王則君牙幽王  
則鄭桓公及其  
子武公相繼為之

其屬七  
十八

宗伯

成王時彤伯為  
之

其屬六  
十九

司馬

成王時畢公兼  
宣王則程伯休  
父

其屬六  
十七

司寇

成王時先蘇公  
忿生繼衛侯康  
叔

其屬六  
十四

司空

成王時毛公兼

其屬六  
十九

凡稱公三公兼之稱爵諸侯為之

太師太傅太保惟茲三公論道經邦燮理陰陽官不  
必備惟其人

少師少傅少保曰三孤貳公弘化寅亮天地弼予一  
人

冢宰掌邦治統百

官均四海

司徒掌邦教敷五

典擾兆民

宗伯掌邦禮治神

人和上下

司馬掌邦政統六

師平邦國

司寇掌邦禁詰姦

愚刑暴亂

司空掌邦土居四

民時地利

六卿分職各率其屬以倡九牧阜成兆民

胡安國曰古者三公無其人則以六卿之有道者  
上兼師保之任冢宰或缺亦以三公下行端揆之  
職禹自司空進宅百揆又曰作朕股肱耳目是以  
宰臣上兼師保之任也周公為師又曰位冢宰正  
百工是以三公下行端揆之職也所以然者三公  
與王坐而論道故惟其人而冢宰統百官均四海  
亦不易處也呂祖謙曰三公無職而六卿有職者  
也三公論道而六卿行道者也以三公兼六卿合

本末精粗於一原也

周官總論

設官所以為民也。蓋天本為民而立君，所以君亦為民而設官。周官一篇自後世觀之，不過設官之制云爾。然一則曰綏厥兆民，一則曰永康兆民，故公孤燮理陰陽，寅亮天地，孰非為民計耶？周禮一言織悉具備其中，雜錯且未暇論。然於公孤論道弘化罔及焉，是詳其目而未揭其綱，故愚謂論周之官制當以周

官為準但其所載者特設官之制度已耳乃云學古  
入官云不學牆面而惓惓於學焉何哉云功崇惟志  
業廣惟勤惟克果斷乃罔後艱云恭儉惟德毋載爾  
偽作德心逸日休作偽心勞日拙其所以辨析學術  
者何其詳哉蓋公孤惟其學也所以論道經邦貳公  
弘化弼予一人者為有自也六卿惟其學也所以各  
率其屬以倡九牧阜成兆民者為有自也周官法度  
之中本寓夫闢睢麟趾之意此可見矣秦漢以來官

制固多與周官不合然於弼君綏民之學鮮不視為迂談又何怪其治之不古若也是故古人視政與學為一本之學以達之政此治之所以日隆後人視政與學為二詳於政而畧於學此治之所以日替惟我朝官制公孤六卿大畧與周相似不惟廊廟以六典建官而內外各官亦莫不以六典視事漢唐宋殆不侔矣特成周以鄉三物立教則其所謂學者端有出於舉業之外也今士君子其學之平居與設施於民



上者視成周為何如噫真知天之所以立君君之所  
以設官之意而後可以語周官綏康兆民之旨

按公孤之職夏商以前未有也其名始於此者舜命  
禹總百揆高宗爰立傳說作相則周前未聞有是名  
矣噫立公孤而以六卿兼之是即揆相之任歟我朝  
稽古定制革去前中書省倣六典立六部而公孤之  
職間以六卿兼之亦成周意也噫近時祇為武職兼  
官死後贈典果盡得周官之意歟

公孤六卿總論

潛學稿曰唐虞稽古建官惟百夏商而下稍繁矣亦  
職用倍周三百六十屬上法乎天行極矣蓋官貴簡  
冗病治也立太師太傅太保何也論道也王道揆之  
所出也道之大原出於天貫三才而一之不通乎道  
而能以經政者否也故三公論焉日啓沃乎王心俾  
王格知天命如面稽然弼化原之道也王心王躬思  
慮聰明應節法天宥密平康得天地泰冲陰和陽動

靜順軌好惡以常發斂消息與時偕行省歲在天母  
失其當秉道握符以中為常是變理之精也故師嚴  
傳密保親而後王以道寧也立少師少傅少保何也  
貳公也公尊重矣王不可以瀆公有貳而後道可以  
意盡也公論道於上孤弼而相之公變理於上孤敬  
而明之故雖天子必有師也以有尊也必有弼也以  
有輔也主於道不及以政然後志凝於神而專之於  
道通神易之原調精禘之微是治安之本也今保傅

不立而求治是窒源而求流之長濁源而求流之清  
不可得已論官者先諸此冢宰掌邦治何也冢宰政  
之綱也百官輻輳並進宰握樞曰統則六典八法八  
柄之為也萬國蕃布星列宰平畫曰均則六典八則  
八統九兩之為也相道也司徒掌邦教何也治莫重  
於教也五典者民待以生敦典降德俾兆民適於道  
而和綏猷生民之道也宗伯掌邦禮何也教莫大於  
禮也掌天神地祇人鬼之三禮幽明治矣掌吉凶軍

賓嘉之五禮上下和矣故禮以體國也司馬掌邦政  
邦戎政也司寇掌邦禁邦刑禁也大刑用兵兵豈必  
用克詰張皇赫赫濯濯天下思戢而後能以邦國寧  
小刑用刑則何可弛於國也姦應有詰折之始萌暴  
亂有刑罪用其當蓋天之道有摯斂而凜凜下霜也  
大哉乎司馬之置兵曰政司寇之制刑曰禁也明兵  
設不用刑有禁欲毋犯也王德之至也司空掌邦土  
何也空也者冬也萬物歸藏復命亶空土而已居四

民藏之以為安時地利農用以為利土之道也故六  
卿猶天地四時然一不可缺自教無列而大官急政  
賦也窮民於兵刑而各官專工也是六職所以失官  
也六卿分職率屬倡九牧何也卿各專其職如視聽  
持行各專其一而政可舉也卿各率其屬如棖椽檐  
楹共奏其功而室可成也內者外之綱近者遠之望  
卿分職率屬王朝邦畿濟濟翼翼而後九牧有倡也  
故六卿治之綱也九牧不著何也牧伯君道也且列

爵五分土三武成前定之矣

周禮六官原

易首乾象天禮首天官建冢宰法天易坤承乾地配  
天禮天官掌邦治象覆燾司徒掌邦教象持載蓋教  
以宣治而地官卿配天也君治師教天之道也天地  
設位而易行易乾元亨利貞禮宰統百官禮政刑事  
物有其官上法乎天行是故法象莫大乎天地變通  
莫大乎四時憲天聰明法時順布分職聯事為民極

莫大乎六官曰天官卿於六官並列何也曰易乾坤於六子亦並列也天地四時一不具即覆載生成之德詎有偏乎其並列象分異也其聯事象功同也譬則風雨露雷具而化工宣生長收藏合而歲功成經絡血脈相轉輸而百體清和咸理也然何獨事聯也天官者以治教禮政刑事為其治者也地官者以教治禮政刑事為其教者也春官者以禮治教政刑事為其禮者也夏官者以政治教禮刑事為其政者也



秋官冬官者以治教禮政刑事為其刑為其事者也  
譬言天而五行四時統於天言地而五運六氣統於  
地春夏秋冬各以其時行而覆載生成之德各正具  
備也播五行於四時而木火土金水歲月日時干支  
子母迭而運也易先天圖天地定位而雷風山澤水  
火錯列以成體後天圖帝出震齊巽相見致役說兌  
勞坎始終乎變化成萬物也其道一也宗伯掌邦禮  
曰春官何也曰易乾元統天禮三千三百一天故禮

者體仁長人之紀也記曰宗伯之官以成仁司馬掌  
邦政曰夏官何也曰政者正也司馬掌政張皇六師  
赫赫濯濯而後能以萬國寧大正人之道也譬則夏  
之日乎伊可畏而助長物也抑雷霆乎時雨乎殫迅  
疾而震動優渥過化而不留也夏盛德在火故兵猶  
火火烈具舉而民勿之有犯也故兵藏於民大設不  
用而諸侯自為正夏官知之道也記曰司馬之官以  
成聖司寇曰秋官司空曰冬官何也天地之氣收而



所不動不自顯其光所以為神也帝以道揆法紀統  
六合而師保凝丞左右密勿不自勞於事所以為聖  
也周官論道而不及以六政以尊道也九經尊賢而  
不列之大臣惟貴德也故三公無官也天地者道之  
本也陰陽者道之運也三公者洞幽明之故握元化  
之統備淵浩之德神而明之默而成之不言而躬行  
之者也三孤者慎觀三師之德行而審諭之於道者  
也公調而變之孤寅而亮之公微言而篤行之孤審

象而弼承之然後能襄王於天而道揆立焉是奧樞  
之任也孔子曰修身則道立尊賢則不惑曰前儒言  
之三公不備官也三公之有官皆六卿之上攝者也  
諒乎曰唯唯否否三公道揆之所出六卿法紀之所  
守也議道揆者本天質道主格王心焉握治樞於奧  
尸法紀者憲天弘道主宣王政焉敷道治於明是故  
六卿者外倦勤於政內深喻於道則使之釋政而任  
道奧樞其任矣奧者明之根明者奧之符不求端於

奧而求以理明者末也既握樞於奧而兼以理明者  
諄也以師保之尊而復尸宰司之事則胡以平政是  
明聖之所不處也任六卿之務而復議調變之道則  
何以凝道是明聖之所不能也且王者之于道也許  
謨密勿靡息而豫怠焉師保傳者時省微而輔範以  
一之於道者也蓋昔者武王克殷甫下車訪箕子受  
洪範焉踐阼三日就師尚父齋宿三鼎行西面再拜  
受丹書焉而一不備其官將王德無于此闕乎是明

聖之所不為也其謂官不必備者難其人即不必具備可也而何可一無設也故三公不設而以為兼官若加官也周季世之事非公本所為建官意也曰周六服有羣辟而經不具何也曰六服有分土矣羣辟有君道矣教不易俗政各因方王何敢知焉六卿分職列屬王朝王畿井井秩秩而九牧有倡也且建牧立監太宰主之正畿疆立社稷大司徒專之太史掌其典職方掌其籍大行人掌其禮蓋邦國六典咸受

成於六官於王治豈有外哉記曰天子三公合以執  
六官均五教齊五法倡九牧以御治此之謂也



# 成周官制圖

宰夫 天官冢宰  
宰夫掌之  
太僕 夏官司馬  
太僕掌之

宰夫  
小宰

秋官司寇  
掌之

一曰內宰

一曰太宰

燕朝

中朝

外朝

內朝  
小臣  
正之

路朝  
司士  
正之

朝士  
正之

夏官

夏官

秋官

小宰掌官刑以貳太宰宰夫掌朝法以貳小宰皆通  
內外之官也故太僕傳言於宰夫宰夫傳言於小宰  
小宰傳言於太宰又有內宰雖掌治王內之政令亦  
屬於太宰以此見周之宮中府中實合于一理也

太宰以八法治官府 小宰掌建邦之官刑以治王  
宮之政凡宮之糾禁正歲以宮刑憲禁於王宮 宰  
夫掌治朝之法以正王及三公六卿大夫羣吏之位

宮正掌王宮之戒令糾禁 內宰掌治王內之政令

自內之王宮言之小宰既建邦之宮刑治宮之政令  
舉宮之糾禁憲禁宰夫又以法制羣吏之警戒令宮  
中之職事書宮中之良能其於治內之法無不致其  
嚴也

總論太宰兼行六官通理王內

二篇

或問六卿分職各率其屬見於周官之篇以官府之  
六屬舉邦治以官府之六職辨邦治見於小宰之職  
自治典至事典截然分畫宜若一定而不可易今太

宰之職顧曰掌邦之六典何也曰此太宰兼行六卿之事也自其分職而言之凡朝廷之事固屬之太宰國中之遠郊近郊大都小都公邑家邑凡郊畿之事固屬之司徒職方氏土方氏以至擇人凡邦國之事固屬之司馬禮屬宗伯刑屬司寇工屬司空自太宰兼行六卿言之則六典八法八則八柄八統九職九賦九式九貢九兩凡此十條皆經國之大綱政事之條目而散見于三百六十官之中太宰實舉其綱而

攝其要焉又非獨曰格物窮理克勤小物而已也蓋  
唐虞三代建官之制職事分于下而權綱合于上非  
泛然而無統也四岳通內外之官羲和之長也羲和  
則實聽于四岳百揆宰相之職百官之長也九官則  
實聽於百揆百揆統九官四岳四岳統羲和四子比  
附聯絡天下之治雖非一二人為之而實一二人能  
使之成周之制亦然三百六十屬聽命於六卿而六  
卿聽命於冢宰冢宰實三公兼之渙散分析之中而

有比附聯屬之勢自今職而考之太史內史掌六典  
八法八則八柄之事春官之屬也而典法之正則在  
於太宰太僕掌諸侯之復逆小臣掌三公及孤卿之  
覆逆御僕掌羣吏之逆及庶民之復夏官之屬也而  
臣民之總則掌於宰夫司士掌朝儀之位秋官之屬  
也而治朝之位宰夫掌之泉府廩人倉人掌財用地  
官之屬也而貨賄之出入太府掌之內外朝之冗食  
地官藁人之職也而宮正內宰則又均其稍食王朝

之服飾春官司服之職也而內司服至屨人則又掌其服飾之用自宰夫之下夏官之上六十官之內三百六十官之職錯綜而互見焉並建六典兼行六卿天下萬事凡有關於理亂安危之大者則無不翕然在其掌握之中也蓋古者三公無官惟與天子坐而論道故設六卿以分主六典而三公實統之三公既兼冢宰則六卿之大典非冢宰而誰建耶此事權之所以合於一而國家所以無多門之政自漢以來則

失之矣有三公又有九卿而丞相御史未嘗行九卿  
事觀武帝時桑弘羊等致利王溫舒之屬峻法倪寬  
等推文學九卿更進用事不闕決於丞相而大臣之  
權盡去矣嗚呼人君之為天下如欲稽古正名而使  
事權之合於一苟合周官未有不渙然無統者矣  
或問小宰宰夫推廣太宰之法而聳動警飭百官府  
之治其於事則為宜而於勢則為順矣至於王宮之  
政令則自有宮正宮伯以掌之王內之政令則又有



內宰以治之而復預內事何也曰先王之制事權欲合於一而內外庭之勢本不容於分也宮中府中俱為一體余嘗於冢宰屬官論之矣若夫此二官之佐冢宰其所以通內外而合事權者則猶有可論焉夫宮正宮伯雖曰掌王宮然不過宮中徒役之事子弟宿衛之職與夫諸官府之在內者耳其於後宮則初無所預內宰雖曰掌王內又不過以禮儀教王后夫人與夫九嬪世婦凡女寵近習之在左右者耳其於

王宮之徒役宿衛則又畧不相關各掌其一而遺其二既不能以相統而權亦不能以相臨統而臨之則惟太宰焉故宮正宮伯內宰皆隸於太宰而小宰宰夫皆佐太宰而兼掌其事職雖列於外而通於內權雖分於二而總於一自今考之曰建邦之宮刑曰制王宮之政令曰憲禁於王宮曰令修宮中之職事此王宮也凡宮之糾禁則王宮后宮無不在所掌也自其掌王宮也則兵衛即衛凡宿衛之人皆領之飲膳

衣服洒掃啓閉次舍幄帟凡供奉之人皆領之宮禁  
之秘藏王后世子之好用凡財用之司存皆領之其  
間多寡豐約用舍去取天子始不得以自私而小臣  
始不得以自便矣自其掌後宮也則六宮六寢無王  
內之限九御無女官之別詔其禮樂正其服位禁其  
奇衰稽其功績其間損益增減採擇進御始有宴私  
玩狎之節而無侵竊惑侈之患矣蓋世未有家不齊  
而國可治者未有國不治而天下可平者太宰之治

所以兼統內外而以小宰為始小宰之官刑既以齊  
其家宰夫之朝法又已治其國然後太宰之邦典始  
可以治天下矣文王道化之後近至於汝墳遠至於  
江漢反而求之不過於后妃夫婦之際侍御僕從之  
間蓋其事存乎二南之風而載於穆王之命所謂刑  
于寡妻以御於家邦旦夕承弼厥辟出入起居罔有  
不欽而下民祇若者其道蓋如此也幽王不道二雅  
交譏而並刺之然皇父作相而內宰膳夫內史師氏

猶得其人向使幽王之不淫其色夫豈不能遏豔妻  
之煽哉巷伯之雅所謂萋菲成貝錦哆侈成南箕乃  
寺人之賢者傷於讒而為世德下傳家法猶未盡壞  
若內若外若小若大猶遊其選而擇其賢乃如成王  
周公親繼文武之志其事固可知也是以論太宰之  
兼統內外當自小宰宰夫始齊家治國又自文王之  
家法始

六官咸統百

冢 宰 治 司 徒 治 宗 伯 禮

冢 七大事並太宰提挈他官從之百官府廢置誅賞並由大宰  
司 徒 主 民 致 並 由 司 徒 教 法 比 法 並 司 徒 為 主 六 鄉 受 法  
禮 宗 伯 禮 為 上 相 冢 宰 而 下 並 不 得 先 禮 樂 之 事 並 屬 春 官 太 史 掌 法 以 逆 官 府 之 治

百官府

六鄉

六遂

縣

都

邦國

三歲大計羣吏之治而誅賞

歲終令六鄉之吏皆會政致事稽國中四郊都鄙夫家九比之數

頌祀于鄉邑

遂大夫

建掌立兩由大宰都鄙並同

家宗人頌祀于都家太史掌則逆都鄙之治  
鄉大夫致法于司徒憲于所治之國

凡為邑者以運成其功事而誅賞廢興之

都宗人

建牧立監並由太宰司會周知四國之治

大司徒凡建邦國立其社稷正其畿疆之封以天下土地之圖周知九州之地域輪廣之數  
小司徒大比受邦國之比要縣師掌邦國之地域

頌祀于邦國內史掌邦國都鄙萬民之治令

太史掌六典逆邦國之治

欽定四庫全書

圖書編

二十三

官 府 畿 內 外 圖

司 馬 政 司 寇 刑 司 空 事

執政論才大射司  
馬為主軍旅之事  
大宰為上將冢宰  
以下次為別將

誓戒辟法盟  
約大事前王  
並由大司寇  
他官不得參  
刑罰並屬秋  
官

役事考功並  
司空為主

簡稽鄉  
民

鄉士掌  
鄉刑

畿內鄉遂  
都鄙治水  
役事並屬  
司空

司執掌六  
遂賞地

遂士掌  
遂刑

家司馬  
量人造  
都鄙

縣士掌縣  
刑大夫掌  
都家之治  
家士掌家  
士治

都司馬  
掌國造  
都邑治  
其國與  
其守

方士掌都  
刑都則掌  
都八則都  
士掌邦治

大司馬以九畿之政施夫  
天下之政職司士凡邦國  
三歲稽士任而進退其祿  
爵職方氏掌天下之圖以  
掌天下之地合方刑方制  
方匡人並主消天下之兵

小司寇掌羣士宣布于四  
方布憲掌憲邦之刑禁誅  
士掌邦刑司民三年大比  
以萬民之數語司寇大行  
人掌邦國之故行夫冢宰  
並主天下之治

四瀆決九川距四海濟  
畝澮巨川巡狩之禮大  
封世執其功

# 六官分治鄉遂都鄙邦國圖

冬卿	秋卿	夏卿	春卿	地卿	天卿
----	----	----	----	----	----


陝以東周公為伯主之	陝以西召公為伯主之
-----------	-----------

六卿各考其屬官之治致於冢宰	六卿鄉遂大夫各主其民而考法于司徒	六卿都家宗人各主其禮而聽于宗伯	六卿都家司馬各掌其兵而聽于司馬	六卿鄉士遂士各主其刑而聽于司寇	六卿六遂各樹其土之所宜木遂以名其社與其里
---------------	------------------	-----------------	-----------------	-----------------	----------------------

六鄉  
六遂  
甸稍縣郡侯甸男采衛要

各掌其鄉每事為師掌常軍制以提挈振舉有事為帥民盡兵也

鄉老 二鄉公一人

鄉大夫

每鄉卿一人

欽定四庫全書

明書編

二四



諸侯五儀諸臣五等之命圖

臣小國	臣次國	臣大國	世諸侯	王朝臣	諸侯	之九命儀
				三公加 為二伯	上公九 命為伯	九命作 伯
			公之子誓 天子下 公一等	三公	侯伯加為 九州牧	八命作 牧
				卿出 封	侯伯	七命賜 國
			侯伯子已 誓下侯伯 一等	卿		六命賜 官
			公侯伯子 未誓繼子 男	縣內諸 侯大夫 出封	子男	五命賜 則
		孤執皮 帛繼小 國君	子男子已 誓未誓 下子男	大夫	附庸	四命受 器
	卿	卿		上士		三命受 位
卿	大夫	大夫		中士		五命受 服
大夫	上士	上士		下士		六命受 職

九命服圖

臣小國	臣次國	臣大國	臣王朝	諸侯		王大常	胃星	龍
			二伯	二王後 上公	二衣升龍	九命衮	升一降	衮衣
					山	八命		
				侯伯	鷩衣	七命		鷩衣
					火	六命		
			卿	子男	毳衣	五命		毳衣
		孤	大夫	附庸 君	藻	四命		
	卿	卿	上士		希衣	三命		希衣
卿	大夫	大夫	中士		玄衣	再命		玄衣
					玄端	賜服衣	一命未	純衣

大司馬

圖書編

二十五

周官品命數

周官有九儀之命正邦國之位九命作伯上公有功

為二伯得專征伐五侯九伯也蓋長諸侯為方伯八命作牧侯伯有功德者

于諸侯又云一州之牧也王之三公亦八命七命賜國王之卿六命出封

云出就六命賜官鄭司農云子男入為卿治一官也

置其臣治五命賜則則者地未成國之名也王之下

邑如諸侯  
之以方百里二百里之地者三百里以上為成國王

莽時以二十五成為則方五十里合今子男之地  
四命受器受祭器為上大者也鄭玄謂三命受位受

大夫之位也鄭玄謂此列國再命受服受祭衣服為

之卿始有列位于王為王臣始命為王吏謂列國公

謂此受玄冕之服一命受職侯伯之士也于子男為

大夫一云受職事

右内外官六萬三千六百七十五人內二千六百四十三人外諸侯

國六萬一千職掌府史胥徒賈人工人庶子罪閭蠻夷貉等五隸醫人圉人虎士視膝力召反及奚漿籩醢

醢鹽罍酒桃春枕饅音肉饅音熾熟食也爾雅云酒食也女職

一萬五千九百五十人都記内外官及内職掌人七

萬九千六百二十五人

其旄人舞者及大祝巫覡闈人每門及圉世婦每官等官

職并冬官人數及外職掌人等並闈按帝王世譜云

湯受命有三千餘國又按王制云殷時天下諸侯國

千七百七十三當是殷時政衰諸侯相併季末之時

所存之國大國二百四十九次國五百一小國一千

二十三次國次國則皆三卿五下大夫二十七上士

惟小國二卿其大夫與士如大國次國之數凡列國

卿大夫士有六萬一千三十三人及周初有千八百

國列國卿大夫士約與殷不異罷侯置守郡縣官吏

百姓之所奉豈非勤乎

圖書編卷八十一

欽定四庫全書

子部  
圖書編卷八十二

詳校官中書臣孫衡

主事臣祁韻士覆勘

總校官進士臣朱鈐

校對官中書臣陸湘

騰錄監生臣楊潤

欽定四庫全書

圖書編卷八十二

明 章潢 撰

尚書 四人

少府

少府令四人在殿中主發文書故曰尚書

秦 尚書 令丞

少府

漢因秦制公卿皆用以奏事

中丞

公卿

郡守

西漢

內 御史中丞

領尚書事 御史大夫 屬官也

外 丞相

朝 御史大夫丞

中二千石 諸侯王 九卿

東漢

御史中丞

中 朝

京兆尹將軍

尚書

朝

司隸校尉

官官

中

大夫

左右曹諸史散騎中常侍給事中以上五項係加官也

中

博士 議郎

統論秦漢官職廢置

或問周官之制內外庭固一體矣維周如漢其制亦嘗有近於周者乎曰豈惟漢近於周雖秦亦然秦人變古不道無復先王之舊制然至於內外之相屬其事則猶有可言者外之九卿如少府猶得置尚書在內主發文書而掌奏下諸事外之三公如御史大夫猶得置中丞在內受公卿奏事而舉劾案章又外之參拾六郡如監郡者皆是御史之屬爲之猶得以天



下之利害徑達於御史大夫而大夫竟達於天子漢興惟監郡之制變爲部刺史若夫少府之尚書御史之中丞則一切因秦之舊而不改非因秦也蓋因周也尚書中丞非周制而曰因周何哉秦人雖變周之名而未嘗變周之意漢亦惟存周之意而不暇復周之名以百官公卿表觀之少府屬官自尚書而下有符節大醫大官湯官有東西織室有庖人主長丞有上林十池監以至中書謁者黃門內盾尚方御府永

巷內者宦者皆屬於少府又復以司府永巷倉廐祠  
祀食官宦官分屬於大長秋御史大夫屬官有兩丞  
一曰中丞在殿中蘭臺掌圖籍秘書權尊勢重與人  
主親近事下中丞則中丞白之大夫大夫白之丞相  
是中丞在內丞相御史在外外得以統內也內領侍  
御史外督部刺史刺史掌奏詔例察州郡治狀黜陟  
能否以六條問事而奏事復上於中丞是部刺史在  
外中丞在內內得以統外也要之漢之官制三公九

卿雖列職於外而皆有屬在內以周官之遺意求之則丞相猶大宰也御史大夫猶小宰也御史之中丞少府之尚書猶宰夫也少府之下又有大長秋猶內宰也大長秋屬少府少府中丞屬丞相御史是秦與漢之制皆近於周之制也不特此也高帝之世御史大夫周昌常燕見奏事見高帝擁戚姬呂后之世審食其爲相監宮中如部中令公卿百官皆因之以奏事武帝之世丞相公孫弘亦得數宴見上或時不冠

雖非禮貌大臣之意然亦可見其洞然無內外之限矣夫是以閹臣雖寵丞相猶得以檄召而詰責而大長秋中常侍猶參用士人而爲之自武帝晚年宴游內廷不出不復與士大夫接用宦者主中書而典尚書之章奏尚書之官於是乎廢矣既以中書居中而受事又置諸吏居中而舉法故當時奏下諸事自中書遞送兩府自兩府下九卿自九卿下郡國而不由中丞中丞之官於是不得居中制事而內之侍御史

外之部刺史併廢矣將軍列侯而下皆得加官而丞相御史獨不加名曰尊之而實疎外之於是丞相御史無復有至內庭者矣末年以霍光爲大司馬領尚書事宜若內外合爲一也然非丞相職任儼然號稱內朝而併奪丞相御史之權昌邑之廢丞相楊敞不及與議不惟不得至內庭且不復預內庭之事矣夫宦官典中書之任中丞無制事之權三公無加官之號大將軍領內書之職霍光告車千秋所謂令光治

內君侯治外內外朝判然如此此漢治之所由以盛衰也宣帝中興復遵漢初之制魏相爲御史大夫外則遣丞相掾吏案事郡國而不遣中使內則奉封事而不經尚書去副封而不令壅蔽加給事中而得宴見言事是以霍山方秉樞機相乃訟言其過杜延年居中用事相乃列奏其奸中外之政復合爲一然猶未知復中丞之權元帝以來石顯用事丞相之權復去而盡歸於尚書哀平之際又歸外戚紀綱散壞內

外不足以相統而西漢遂趨於亡光武懲外戚之用事  
憤大臣之竊命於是取三公之官以爲閒職而取尚  
書中丞專委任之以爲臺閣之長以舉法歸中丞  
而以奏事歸尚書二官雖復用事然疎外庭而親內  
庭矣舍大臣而近小臣矣置三公而事歸臺閣矣變  
前世參用士人之制而專任奴僕薰腐之餘矣桓靈  
之季御史之權盡移於尚書尚書之權又移於宦官  
尚書宦官合爲一黨而宰相疎隔於外御史緘默於

內是以太尉楊秉奏侯覽而尚書召秉掾屬詰之曰  
設官分職各有司存三公統外御史察內當是時也  
御史豈真得以察內耶事權之失已久小人徒借察  
內之名以自便耳蓋自古外內之不相屬未有若東  
漢之甚者也而其源實始於光武極其源而論之則  
又始於武帝使武帝不改漢初之制以三公九卿在  
外而以中丞尚書在內內外相屬而關節脉理相應  
則漢之制周官太宰之制也柰何快意於法度之外



使内外事權分裂四出而不專領於大臣其末流遂以若此極也蓋嘗觀之自出納之職不領於大臣而宰夫之官遂去爲尚書之任尚書中書迭用事而霍光之權重弘恭石顯之事起尚書中書之形成矣自宿衛之親人不領於大臣而宮正宮伯之官遂去爲光祿勳之任光祿勳之屬日益親而門下遂爲省加官遂爲司侍中遂爲宰相矣自供奉之近習不領於大臣而膳夫而下掌次而上遂去爲少府太常之任

迨其極也門下太僕之司又分爲殿中省爲內諸司  
使矣以至王府財用之司既非大臣之所與聞則漢  
鴻都之賣爵唐瓊林大盈之各庫夫誰得而檢之女  
寵近習之嬖既非大臣之所與聞則母后臨政下令  
不出房閨國命寄之刑人或冒侯爵之封夫誰得而  
制之此其源皆起於武帝是以其弊至於不可救其  
禍反生於殺戮大臣而無顧忌之心事權之不合於  
一此宜大宰之所拳拳而小宰宰夫之所以佐大宰

而兼掌其事也兼則治散則亂合則盛離則衰自三代以下其治亂盛衰之變凡幾見其變而復周官以救之此爲治之大原

漢仍秦官稍異同相國丞相秦官周六卿即是相秦却又用一個代天子之勞不知繼體之君一代勞便生事端雖其屬置司直秩比二千石然終是其屬太尉秦官金印紫綬祿位與相國埒秦專事戰功所以重太尉漢南北軍制甚稱乃因周禮制內兵法秦這

處能悟其妙但兵權須有制豈可位百僚上時謂司馬主天司徒主人司空主土是爲三公蓋以司馬爲立國命脉前後左右將軍秦官位亦上卿漢特不常置中尉秦官掌徼循京師秩中二千石大率兵衛便隆御史大夫秦官位上卿掌副丞相舉劾按章迄今因之蓋欲以虛隆制太尉秦漢所以治不如古

秦改周制始置丞相大尉御史大夫侍中黃門侍郎給事中散騎中常侍郎中令謁者尚書令僕射尚書

丞御史監御史奉常衛尉中尉宗正大僕廷尉典客  
理粟內史太史令少府將作前後左右將軍五官左  
右中郎將詹事中庶子太子家令率更令衛率郡守  
丞尉漢初因之文帝改奉常曰太常典客曰太鴻臚  
廷尉曰大理武帝置五經博士及鹽鐵之官改郎中  
令曰光祿勳中尉曰執金吾初置十三州郡刺史京  
兆尹成帝置尚書五人分五曹之事以大司馬及大  
司空並丞相爲三公罷刺史置州牧光武改常侍曹

爲吏部曹主選舉

秦官爵等差

秦制爵二十等以賞功勞

其十八等自大庶長以下又似官也

其帥人

皆更率也有功賜則在吏之例自公大夫以上令丞

與亢禮

言從公大夫以上與令丞亢禮亢當也言高下相當無所卑屈也

漢官秩差次

二漢並有秦二十等爵然以爲功勞之賞非但秩也丞相大尉司徒司空大將

軍諸侯王國官不在此目

中二十石

月給八十斛

御史大夫

大常

光祿勳

衛尉

大僕

廷尉

大鴻臚

宗正

大司農 少府 執金吾 二千石

月百二十斛  
亦曰真二千

石 太子太傅少傅 將作太監 太子詹事 大長

秋 典屬國 水衛都尉 京兆尹 左馮翊 右

扶風 司隸校尉 城門校尉 中壘校尉 屯騎

校尉 步兵校尉 越騎校尉 屯騎校尉 長水

校尉 胡騎校尉 射聲校尉 虎賁校尉 州牧

及郡太守 比二千石

月百斛

丞相司置 光祿大夫

光祿中郎五官左右三將 光祿虎賁中郎將

光祿中郎將騎都尉 西域都護副校尉 駙馬都

尉 郡尉 千石月八斛丞相長史 大司馬長史

御史中丞更名御更長史 前後左右將軍長史 太常丞

衛尉丞 光祿勳丞 太僕丞 廷尉左右監

大鴻臚丞 宗正丞 大司農丞 少府丞 執金

吾丞 太子衛率 萬戶以上縣令 比千石 光

祿大中大夫 光祿郎中車戶騎三將 光祿謁者

僕射 光祿虎賁郎將 八百石 太子家令



比八百石 光祿勳諫大夫 六百石 月七  
十斛 衛

尉公車司馬令 衛士令 旅賁令 廷尉左右平

太子門大夫 太子庶子 將作大匠丞 太子

詹事丞 水衡都尉丞 京兆尹丞 左馮翊丞

右扶風丞 州刺史郡丞 郡長史 郡尉丞 次

萬戶以上縣令 比六百石 月六  
十斛 太常太卜博士

光郎議郎中郎 光祿謁者掌賓贊受事員 西

域都護丞 司馬候 五百石 武帝  
除 萬戶縣長

四百石

月四十五斛自四百石至二百石爲長史

太子中盾 萬戶以

上縣丞

比四百石

光祿侍郎

三百石

月四十斛

次減萬戶縣長

比三百石

月三十七斛

光祿郎中

二百石

月三十斛

萬戶以上縣尉

次萬戶以上縣尉

減萬戶縣尉

百石

自百石已有計食佐史之秩爲少吏

右漢吏員自佐史至丞相凡十三萬二百八十五人

哀帝時官數

命數未詳

漢魏以降逮於周官研覈莫辨今約其本史聊存一代之制

後漢官秩差次

大傳三公大將軍驃騎大將軍並不在此目

中二千石

月百八十斛

太常

光祿勳

衛尉

太僕

廷尉

大鴻臚

宗正

大司農

少府

執金

吾

註云比二千石

太子太傅

河南尹

京兆尹

左馮

翊 右扶風

二千石

月百二十斛

度遼將軍

大長秋

太子少傅

將作大匠

司隸校尉

州牧凡州

所鹽

都爲京都置尹

郡太守

皇子封王國傅

相

皇子封王國御史大夫及諸卿

比二千石

月百斛

都護將軍

大將軍營五部校尉

光祿五

官中郎將 光祿左中郎將 光祿右中郎將 光

祿虎賁中郎將 光祿羽林中郎將 光祿奉車都

尉 光祿駙馬都尉 光祿騎都尉 光祿大夫

少府侍中 少府中常侍 城門校尉 北軍屯騎

校尉 北軍越騎校尉 北軍步兵校尉 北軍長

水校尉 北軍射聲校尉 每王屬國都尉 護都

桓校尉 護羗校尉 皇子封王國中尉 千石八月

斛十 太傅長史 太尉長史 司徒長史 司空長

史 大將軍長史 光祿大中大夫 廷尉正右監

史 少府中常侍 少府尚書令 少府御史中丞

太子家令 大長秋中宮僕 太子率更令太子

僕 城門司馬 城門平屯司馬 北軍屯騎校尉

司馬 北軍射聲校尉司馬 北軍越騎校尉司馬

北軍步兵校尉司馬 北軍射聲校尉司 北軍

長水校尉司馬 胡騎司馬 右扶風京兆每大縣

令 雒陽縣令 皇太子封王國郎 中令僕 比

千石 大將軍司馬 太常光祿丞 光祿謁者僕

射 衛尉丞 衛尉宮 掖門司馬 大僕丞 鴻

臚丞 宗正丞 司農丞 少府丞 使匈奴中郎

將 執金吾丞 六百石 大將軍從事中郎 度遼

將軍長史 度遼將軍司馬 太常贊饗 太常太

史令 太常博士祭酒 太常大祝令 太常太宰

令 太常太子樂令 太常高廟令 太常光武廟

令 太常前帝陵每園令 太常先帝陵每陵食官

令 光祿左右僕射 左右陵長 光祿羽林左監

光祿羽林右監 光祿中散大夫 光祿諫議大夫

光祿議郎 光祿常侍謁者 公府掾 尉衛公車

司馬令 衛尉南宮衛士令 衛尉北軍衛士令

御尉左右都候 太僕考公令 太僕車府令 太

僕未央廐令 宗正諸公主每主家令 宗正諸公

主每主簿僕 私府長大司農僕丞 大司農大

倉令 大司農平準令 大司農導官令 少府太

醫令 少府大官令 少府守宮令 少府給事黃

門侍郎 少府上林苑令 少府小黃門侍郎 少

府小黃門令 少府中黃門冗從僕射 少府掖廷

令 少府永巷令 少府衛府令 少府祠祀令

少府鈞質令 少府濯龍盤 少府中藏府令 少

府內謁者令 少府尚方令 少府尚書僕射 少

府尚書令 少府符節 少府治書侍御史 少府

侍衛史 執金吾武庫令 大長秋丞 大長秋中



書謁者令 大長秋中官尚書 大長秋中官私府

令 大長秋中官永巷令 大長秋中官黃門冗從

僕射 大長秋虎賁官騎下中官宦者令 太子倉

令 太子食令 太子門大夫 太子中庶子 將

作丞 將作左校令 將作右校令 城門每門候

北軍中候 州刺史 左扶風京兆每次縣令 護

烏桓校尉擁節長史 司馬 護羗校尉擁節長史

司馬 比六百石

月六十斛 又云五十斛

大將軍與軍候

光祿五官中郎 光祿左右中郎 光祿虎賁中郎

光祿常侍謁者 太子洗馬 皇子封王國治書

四百石

月五十斛又云四十五斛

光祿給事謁者 少府大

官丞 少府黃門署長 畫室署長 內署長 少

府直里監 少府尚書左右丞 少府侍郎 大司

農雜陽市長大長秋中宮藥長 太子庶子 太子

廐長 太子中盾 太子衛率 右扶風京兆每次

縣長 雒陽縣丞 皇太子封國禮樂長 衛士長

醫士長 永巷長 祠祀長 比四百石

月四十五斛後

漢官制云四十斛

大尉東西曹祿 光祿五官侍郎 光祿

左右侍郎 光祿虎賁侍郎 皇子封王國謁者

三百石

月四十四斛

太常先帝陵每陵食監丞 宗正諸

公主每主家丞 少府鈎盾丞 永安丞 鴻臚大

行治禮郎 大司農丞 楫讓擢丞 右扶風京兆

每小縣長 侯國相比三百石

月二十七斛

大尉諸曹

餘掾 光祿五官郎中 光祿左右虎賁郎中 光

祿羽林濯謁者郎中

少府中黃門

二百石

月三十斛

太常大史丞

明堂及靈臺丞

衛尉史

太僕

文學史

少府文學史

少府苑中丞

右史南

園丞

少府令史

少府符節令史

廷尉史

鴻

臚史

宗正史

大司農直丞

大司農雒陽市

丞執金吾史

太子舍人

河南尹員外

皇子

封王國郎中

比二百石

月二十七斛

大將軍屯長大尉屬

光祿節從虎賁

百石

月六十斛

太尉令史

中興以後不說石數

太常史 太常大史史 太常太子樂史 光祿員

外太僕 衛尉文學史 少府史五人百石 少府

蘭臺令史 鴻臚文學史 廷尉文學史 宗正文

學史 四人百石 大司農文學史 大司農雜陽

市史 執金吾文學史 司隸校尉州功曹從事

別駕簿曹兵曹從事 其餘部群國從事每郡有之 州曹曹諸掾

河南尹公右平史 雜陽員外 鄉有秩三老

斗石 一月一斛 大常明堂員史 太僕卿大鴻臚卿員史

大司農雒陽市吏雒陽令吏 少府卿執金吾各

員吏

佐史

月八斛

太常佐

太常大祝佐

太常明

堂佐

光祿衛尉太僕廷尉大鴻臚佐

大鴻臚大

行令佐

宗正佐

大司農佐

雒陽中佐

執金

吾佐

少府佐

雒陽縣佐吏

後漢内外文武官七千五百六十七人内外諸司

職掌人一十四萬五千四百一十九人都計内外

官及職掌人十五萬二千九百八十六人其内有里

魁里數及命數未詳按成周命數與兩漢石祿皆所以辨官位之高卑也自魏以後始有九品之制至梁分爲十八班後魏以九品分正從而隋唐以來因之宇文周又以九命分正從皆十八等而歷代率不能易之矣

### 漢官制總論

漢興制官多仍秦舊取趨時便事初置一相曰相國掌承天子理萬幾制御史大夫副之而大尉主南北軍

護諸軍皆秦官孝惠呂后時置左右相奪太尉權  
畀諸呂掌南北軍而亂作丞相平太尉勃相與協計  
謀誅之則將相和會之力也至武帝時又有大司馬  
至諸騎諸史筦機要者爲中朝官自丞相而下至六  
百石爲外朝官迨光受遺輔政丞相獨建空名於上  
而事皆取決於大將軍矣世祖中興憤數世之失柄  
罷丞相御史大夫太尉官不置及西漢末設大司徒  
大司馬大司徒爲三公尋改司馬爲太尉名三公爲



宰相然獨任以綜庶政下親吏事實奪其權是初惟  
丞相太尉並列爲將相後御史大夫與相稱兩府而  
罷太尉官其太尉爲大將軍秉國東漢則三公爲相  
而邦事專管於尚書古重論道相兼道與法而有之  
後天下政務管於章奏乃權在御史已遂爲尚書中  
書而兵權所在威重莫比故大將軍重焉周官道揆  
法紀之遺意蕩然盡矣漢九卿曰奉常曰光祿勳曰  
衛尉曰太僕曰廷尉曰大鴻臚曰宗正曰大司農曰

少府其外有中尉皆中二千石丞皆千石而漢世中二千石咸稱卿大都漢官制有爵有職官又有加官自公士至徼侯凡二十級曰爵自丞相御史而下中朝內朝外朝官下至守令丞曰職官有二千石而上有比者真者中者它者盡有試者行者守者中二千石京兆官最尊真次之比又次之守爲廷擢行爲權攝試則試職必滿歲稱乃爲真而漢世官吏多久任惟邊吏三歲一更均勞逸焉

唐官秩

正一品 諸國王 太傅 太保 太尉 司徒

司空 太師 諸將軍 左右光祿開府儀同三司 國公 驃騎

大將軍 郡王 太子太師太傅太保 嗣王 正

二品 特進郡公 輔國大將軍 上柱國 從二

品 尚書左右僕射 縣公 都督 太子少師少

傅少保 大都護 光祿大夫 鎮國大將軍 柱

國 正三品 侍中諸尚書 中書監令 太子詹

事 金紫光祿大夫 太常卿 左右衛將軍 中都

督 左右武衛武侯大將軍 左右賓客 左右驍

騎威衛領軍衛

金吾衛監門衛等大將軍

冠軍大將軍

懷化大

將軍 上護軍 從三品 國子監祭酒 散騎常侍

將作大匠 御史大夫 秘書監 殿中監 光祿

衛尉宗正太僕大理鴻臚司農太府卿 少府監

諸衛羽林千牛將軍 下都督 上州刺史 大都督

府長史 副都護親王傅 銀青光祿大夫 開國

侯 雲麾將軍 歸德將軍 護軍 正四品 黃

門侍郎 太子左右衛率 中書侍郎 尚書左右

丞 尚書吏部侍郎 開國縣伯 中州刺史 太

子左右庶子 太常少卿 太子詹事 左右司禦

左右清道 下州刺史 左右監門率府率 軍

器監 上都護府 副都護 上府折衝都尉 正

議大夫 忠武將軍 上輕車都尉 尚書中司侍

郎 太子左右諭德 通議大夫 親勳翊衛羽林

中郎將 左右千牛衛左右監門衛中郎將 壯武

將軍 從四品 太子左右衛副率 左右宗尉副

左右內副率 左右監門率 親王府長史司馬

內侍 秘書少監 人寺少監 殿中少監 太

子親勳翊衛中郎將 上都護府長史 大中大夫

宣威將軍 輕車都尉 國子司業 少府將作

少監 京兆河南太原府少尹 大都督大都護府

親王府司馬 上州別駕 中州折衝都尉 中大

夫 正五品 給事中 中散大夫 太子中舍人

開國縣子 國子博士 尚食尚藥典御 長安

萬年令 內常侍 諫議大夫 御史中丞 中書

舍人 太子中允 左右贊善大夫 都水使者

河南洛陽太原晉陽奉先縣令 親勳翊衛羽林郎

將 中都督 上都護府長史司馬 親王府典軍

定遠寧遠將軍 上騎都尉 中州別駕 朝議

大夫 下府折衝都尉 從五品 著作郎 太子

洗馬奉車都尉 中給事中 駙馬都尉 親王友

秘書丞 殿中丞 尚書左右司諸司郎中 尚

衣尚舍尚乘尚輦奉御 下都督府上州刺史 下

州別駕 游騎游擊將軍 武散騎都尉 朝諸大

夫 大理正 太常太史丞 太子典內 上牧監

下都府上州司馬 宮苑總監 朝散大夫 上

府果毅都尉 正六品 皇太子文學治書侍御史

諮議參軍事 太學博士 太子詹事丞 太子司



議郎 中州長史 太子興膳藥藏郎 京兆河南

太原府諸縣令 鎮軍兵滿二萬以上司馬 朝議

郎 昭文校尉 親王府掾屬 驍騎尉 武庫中

尚署令 諸尉左右司階 中府果毅都尉 中州

司馬 內謁皆監 中牧監 上牧副監 上鎮將

承議郎 昭文副尉 從六品 給事上縣令

尚書諸司員外郎 人寺丞 大理寺丞 國子助

教 城門郎 符寶郎秘書郎 著作佐郎侍御醫

諸衛羽林長史 兩京市令 下州司馬左右監

門校尉 記室錄事參軍 奉議郎 旅威校尉

飛騎尉 侍御史 少府將作國子監丞 太公廟

令 下牧監 宮苑總監 副監 下府果毅都尉

通直郎 旅威副尉 正七品 四門博士 詹

事司馬 左右千牛衛長史 軍器監丞 太子千

牛 諸州中縣令 親勳翊衛隊正 中鎮將 親

王府諸曹參軍 親衛 朝請郎 致果校尉 雲

騎尉 太子通事舍人 內侍伯 京兆河南太原

封都

督大都護  
諸曹叅軍

中都督上都議府錄事參軍 諸倉

諸治司竹温湯監 宣德郎 致果副尉 從七品

太常博士 各衛率府長史 左右監門長史

太子親衛 勳衛殿中侍御史 左右補闕 太學

助教 門下省錄事尚書都事 中書省主簿 將

作國子監九等主簿 太子詹子主簿 都水監丞

諸州中下縣令 親王府東西閣祭酒 京縣丞

督護府錄事參軍 中府別將長史 朝散郎武

駙尉 太史局丞 御史臺少府 上署令 掖庭

宮闈局令 太廟諸陵署丞 上州諸府參軍 諸

率府左右中候 諸折衝府校尉 宣議郎 正八

品 中州錄事 叅軍 協律郎 辨章郎 監察御

史 諸衛羽林錄事叅軍中署令 軍器監主簿

上牧丞 給事郎 節宣校尉副尉 下署令 中

州諸司參軍 京兆河南太原諸縣丞 靈臺郎

上戍主 諸衛左右司戈 徵事郎 從八品 內

謁者監 上闕令 左右拾遺 四門助教 中牧

監丞 京縣主簿 中都督上都護府參軍 保章正 京

兆河南太原府大都督府博士 承奉郎 大理評

事 律學博士 太子左右春坊事 太子備身 下州諸

司參軍 都水監主簿 上署丞 親王國隊正大

農 公主家丞 中書門下尚書都省兵部吏部考

功禮部主事 京縣尉 諸中縣丞 諸屯監丞

上府兵曹 挈壺正 承務郎 正九品 大祝令

校書郎 嶽瀆令 諸津令 下牧監丞 諸州

中下縣丞 中下州博士 儒林郎 京兆河南太

原府諸縣主簿縣尉 仁勇校尉副尉 正字 太

子校書 下署令 司庫司廩 太史局司辰 太

子三寺主簿 詹事府錄事 下縣丞上縣主簿

中州叅軍 中關令中州兵曹 親王國尉 上關

丞 諸折衝隊正 登仕郎 從九品 大夫曹司

奉禮郎律學助教 弘文館投書 中州諸下縣主

諸州上中下縣尉 下府兵曹監曹 文林郎

大理寺獄丞 下州叅軍 中下州醫博士 京縣

錄事 下關令中關丞 諸津丞下鎮兵曹叅軍

諸折衝府隊副 將仕郎

唐武德中外官無祿貞觀二年制有上考者乃給祿

其後遂定給祿俸之制以民地租充之京官正一品七百石正

二品五百石從二品四百六十石正三品四百石從三品二百六十石

正四品三百石從四品二百六十石正五品二百石從五品一百

六十石正六品一百石從六品九十石正七品八十石從七品

七十石正八品六十石從八品六十石正九品五十石從九品

五十石諸給祿者三師三公及太子三師三少若在京

國諸司文武官職事九品以上并左右千牛備身左

右太子千牛並依官給其春夏二季春給秋冬二季

秋給凡京文武官每歲給祿總一十五萬一千其在

外文官九品以上准官皆降京官一等給其文武在



京長上者則不降

諸給祿應降等者正一品各以五十石爲一等二品三品皆以三十

石爲一等四品五品皆以二十石爲一等六品七品皆以五石爲一等八品九品皆以二石五斗爲一等

其俸錢之制京司諸官初置公廨令行署及蕃官興  
易以充其俸貞觀十二年罷公廨置胥士七千人取  
諸州上戶爲之准防閤例而收其課三歲一更計員  
多少而今給焉

唐武德七年定令以太尉司徒司空爲三公尚書門  
下中書秘書殿中內侍爲六省次御史臺次太常光

祿衛尉宗正太僕大理鴻臚司農大府爲九寺次將  
作監次國子學次天策上將府次左右衛左右驍衛  
左右領軍左右武侯左右監門左右屯左右領爲十  
四衛府東宮置三師三少詹事府門下典書兩坊次  
內坊次家令率更僕三寺次左右衛率府左右宗衛  
率府左右虞候率府左右監門率府左右內率府爲十  
率府王公以下遂置府佐國官公主置邑司已下並  
爲京職事官州縣鎮戍岳瀆關津爲外職事官貞觀

改令置太師太傅太保爲三師其三公以下六省一臺三監十二衛東宮諸司並從舊定

天下方鎮初各置大總管府改都督府其後改天下爲十道道置訪探防禦黜陟等使邊方謂之節度使有兼觀察安撫兼度支營田招討經畧等使者各置副置屬如本使入朝則置留後領府事蓋權重極而方鎮之形成矣

唐官制統屬

唐設尚書省以統會衆務舉持繩自門下省以侍從  
獻替規駁非宜中書省以獻納制冊敷揚宣勞秘書  
省以監錄圖書殿中省以供脩膳服內侍省以承旨

奉引

尚書門下中書秘書  
殿中內侍凡六省

御史臺以肅清僚庶九寺

太常光祿衛尉宗正太僕  
大理鴻臚司農大府爲九寺

五監

少府將作國子軍  
器都水爲五監

以

分理羣司六軍

左右羽林左右龍武  
左右神武爲大軍

十六衛

左右衛  
左右驍

騎左右武左右威左右領軍左右  
金吾左右監門左右千牛爲十六

以嚴其禁禦一詹

事府二春坊

有左右春坊又有  
內坊堂閣內諸郡

三寺

家令寺率更  
寺太僕寺

十

率

左右衛左右司常左右清道左右監門左右內侍爲十率府

俾又儲官牧守督

護分臨畿服

京府置牧餘府州置都督都護大相

設官以經之置使以

常之

按察採訪等使以理州縣節度團練等使以督府軍事租庸轉運鹽鐵青苗營田等使以流財

貨其餘網務因事置使者不可悉使其運轉以下諸使無過所置廢不常故不克列於篇

自六品

以下率由選曹居官者以五歲爲限夫九寺三監東

宮三寺十二衛及京兆河南府是王者之有司各勤

所守以奉職焉尚書省舊章立程度以頒之御史臺

按格令採姦濫以繩之中書門下立百司之體要察

羣吏之能否善績著而必進敗德聞而且貶政有恒而易守事歸本而難失經遠之理舍此奚據洎姦臣廣言利以邀恩多立使以示寵剋下民以厚斂張虛數以獻狀上心蕩而益奢人望怨而成禍使天子有司守其位而無其事愛厚祿而虛其用宇文融首唱其端揚春矜王鉷繼遵其軌楊國忠終成其亂仲尼云寧有盜臣而無聚斂之臣誠哉是言前車既覆後轍未改求達化本不亦難乎

唐官制總論

周用蘇綽議倣周禮文建六官唐因其舊立大師大傅大保曰三師太尉司徒司空曰三公然徒空名不設官多以爲贈官親王拜者亦惟名銜立尚書門下中書爲三省以尚書令侍中中書令爲之長共國政折一相而三

尚書爲都省門下爲左省中書爲右省

其後以太宗嘗爲

尚書令臣下避不敢當已又以三省隆重中書令侍中亦不以時授而左右僕射遂長尚書省貞觀中上

以僕射當洞闢耳目訪賢才爲弘益令尚書細務悉委於兩丞其寬濫大故當奏白者乃闕請僕射及貞觀末常以他官行相事而拜除僕射必加同平章及參機務乃預政而僕射亦徒擁名銜其後李勣以兵部尚書同中書門下三品而同三品之名昉焉永淳初郭待舉岑長倩以侍郎同中書門下平章事而平章之銜自此始終唐世不改天寶後天下多難方鎮以同平章事備位示尊重非實秉鈞衡然名實彌紊



矣他官司之署曰省曰臺曰寺曰監曰衛曰府各統其屬於三省外以省稱者曰秘書曰殿中曰內寺署在省闈故俱以省名御史臺御史大夫中丞爲之貳其屬三曰臺院曰殿院曰察院分十道察巡州縣九寺曰太常曰光祿曰衛尉曰宗正曰太僕曰大理曰鴻臚曰司農曰大府皆漢官五監曰國子曰少府曰將作曰軍器曰都水其衛府之制左右衛上將軍凡親勲翊五中郎將府及折衝所隸皆制焉京兆三府

置牧鳳翔五府各置尹上州州有刺史中下州亦如之畿縣若上中下縣亦各有令丞簿尉以其地爲秩差初太宗論周官喟然嘆曰真聖典也不井田不封建不肉刑而能致治者未矣於是省中外官制爲七百二十員曰吾以此待天下賢才足矣然是時業已有員外置矣其後又有特置同正員若檢校兼守判知之屬至景龍而官紀大紊開元中天子自撰唐六典判定職次從官爲之注頒行之於是三省統會衆

務舉持綱維有九寺五監以分理羣司有六軍十六  
衛以嚴禁禦有詹事府二春坊三寺十率以輔衛儲  
宮有牧守督護以分臨畿外設官以經之置使以締  
之於是百司詳密庶績從理而六部之設迄於今倣  
焉而議者頗疵其複何也司農少府戶部之任也太  
常宗正禮部之職也廷尉刑也府衛兵也鴻臚光祿  
禮部之膳部主客也衛尉太僕兵部之駕庫也他將  
作少府軍器都水四監咸宜隸兵工繁複莫省矣

宋官秩

正一品	諸國王	左右丞相	太傅	太保	太師	少師	少傅	少保	從一品	諸將軍	左		
右光祿開府儀同三司	郡王	國公	太子太師	太子太保	太子少師	太子少傅	太子少保	從二品	金	紫光祿大夫	知樞密院事	叅知政事	同知樞
密院事	大尉	上柱國	從二品	太子少師	太子少傅	太子少保	從三品	銀青光祿大夫	簽書樞密院事	傅少保柱國	銀青光祿大夫	簽書樞密院事	

觀文殿大學士 御史大夫 六部尚書 左右金

吾衛左右衛上將軍 九州牧 殿前都指揮使

節度使 正三品 上護軍 觀文殿學士 資政

保和殿大學士 翰林學士承旨 翰林學士 資

政保和殿端明學士 樞密直學士 龍圖天章寶

文顯謨徽猷敷文等閣學士 左右散騎常侍 權

六曹尚書 從三品開國侯 護軍 龍圖天章寶

文顯謨徽猷敷文等閣學士 正議通奉大夫 開

封尹尚書列曹侍郎 太子賓客詹事 正四品

秘書監 開國縣伯 上輕車都尉 通議大夫

給事中 中書舍人 太常宗正卿 諸衛大將軍

殿前副都指揮使 承宣使 從四品 大中大

夫 輕車都尉 權六曹侍郎 保和殿及龍圖等

閣待制九寺卿 國子祭酒 少府將作監 諸衛

將軍 正五品 開國縣子 上騎都尉 中大夫

馬步軍 都指揮副指揮使 觀察使 從五品

駙馬都尉 中奉中散大夫 太常宗正少卿

秘書少監 太子左右庶子 樞密都承旨 殿前

馬步軍 都虞候 防禦使 揮日天武神龍衛四

廂都指揮使 團練使 諸州刺史 騎都尉 正

六品 朝議奉直大夫 集英殿脩撰 七寺少卿

中書門下省檢正諸房公事 尚書左右司郎中

國子司業 軍器監 都水使者 太子少詹事

左右諭德 入內內侍者內侍省都知副都知 宣

慶宣布昭宣使

入內內侍省内侍省押班

樞密

承旨副承旨

從六品

起居郎

侍御史

朝請

朝散朝奉大夫

尚書左右司員外郎

右文殿

秘閣修撰

樞密院檢詳諸房文字

開封少尹

尚書諸司郎中

開封府判官推官

少府將作軍

器少監

靈臺令

正七品

朝請朝散朝奉郎

殿中侍御史

左右司諫

尚書諸司員外郎

侍

講直龍圖天章寶文閣

開封府司錄參軍事

樞



密院諸房副承旨 太子侍讀侍講 兩赤縣令

從七品 承議郎 左右正言 符寶郎 監察御

史 直顯謨寺閣 大常宗正秘書丞 大理正

著作郎 崇政殿說書 閣門宣贊舍人 正八品

奉議郎 通直郎 七寺丞 秘書郎 令所刪

定官 直秘閣著作佐郎 國子監丞 王宮大小

學教授 國子博士 大理司直評事內常侍 京

府判官 開封府諸曹叅軍事 京畿縣丞 三京

赤縣畿縣令 中書門下省錄事 尚書省都事

從八品 宣教郎 宣義郎 御史臺檢法官主簿

秘書省校書郎正字 太常寺奉禮郎大祝 閣

門祇候 從義秉義郎 太武律學博士 諸州簽

判 節度觀察防禦 團練軍事軍監判官 節度

掌書記觀察支使 京府節度觀察防禦 團練軍

事推官 節鎮上中 下州錄事 叅軍事 京府

諸曹參軍事 巡判官 京畿縣丞三京赤縣畿縣

丞 諸州上中下縣令丞 承直儒林 文林從事

從政修職郎 兩赤縣主簿尉 節度副使行軍司

馬 諸府諸曹節鎮上州諸事參軍事 防禦團練

副使 太史局承直長 正九品 諸承事承奉郎

律學正 國子大字正錄 京畿縣三京赤縣簿

尉 諸州別駕長史 從九品 諸州中下縣主簿

諸州上中下縣尉 將仕郎 承務郎 高班黃

門內品 承節承侍郎 迪功郎 中下州諸司參

軍 城塞馬監主簿 諸州司士文學助教 翰林

醫學

右宋官秩載在文獻通考如三公三少左右丞相  
知樞密叅知同知簽書俱執政官上資政殿學士  
曾任執政者班序雜壓並在六曹尚書之上觀文  
殿大學士至敷文閣待制俱侍從官常閱史如侍  
中尚書令煥章閣及運使提刑提舉總領經畧制  
置安撫以至巡檢監鎮監務俱未之載故其品秩

俱不及詳或沿革不同因事而設茲有所遺耶

宋朝舊官制文臣則兼帶階勳即自武騎尉至上  
柱國十二轉是也武臣則兼帶舊勳階憲銜檢校  
官四色憲銜自監察御史至御史大夫號爲憲銜  
檢校自國子祭酒至三公亦唐及五代舊制也而  
宋朝遵之元豐初始命置局詳定官制削去憲銜  
檢校官留勳十二轉

宋官制總論

宋初官號名秩皆唐舊三公三師亦獨爲親王使相加官其特拜者不預改上於尚書省而太師爲異數其三省長官亦不授以同平章事領相職參知政事副焉而中書門下尚書省並列於外別於禁中置中書政事堂與樞密院爲兩府蓋析一相而爲二樞密掌兵天下財賦若內府若中外度支悉三司使領之同平章事於漢爲丞相參知政事其御史大夫也察院其太尉三司使其計相也蓋官名仍唐而義類依

倣於漢者如此其時臺省寺監無定員無專職出入分蒞而即所蒞爲職司以課職而考功百司庶府皆得以其職自達中書樞密院爲奏覆畫一下而行之體統正事權一官司相承無損於治然是時三省六曹二十四司互以他官典領其正官特以寓祿秩位著非別敕不治本司事事之所寄十無二三惟內侍省閣門省四方館畧有職掌它無所典署故以登臺閣任禁從爲榮以差遣要劇爲貴而階勳爵邑無能

重輕名實泥質甚矣神宗覽唐六典慨然欲酌古今之宜改官制幕以賜羣臣乃置局中書考故實釐定制三省準唐尚書令侍中中書令亦不授以左右僕射爲宰相中書揆議門下審覆而尚書宣行之他諸省臺寺監各還其職司會明堂禮成詔以新制遷叙尚書新省成上親臨幸召六曹長貳而下詢職事申救而異時試攝判知差遣之弊廓然矣然其時參政確以王珪首相妨已欲傾之建白以左僕射兼門下



侍郎行侍中之職右僕射兼中書侍郎行中書令之職於是本六典中書造命之說已得以次相管機務承旨奏事而左僕射以門下不得與實擯珪而奪之權其內降制敕及中外復逆本三省定奪取旨下已稱尚書駁審徒虛文而行遣顧璽闕元祐中司馬呂相繼柄國乃請令三省復合班奏事明同心共政之義其後蔡京當國更開封守臣爲尹牧府分六曹縣六案脩六尚局建三衛郎又更兩省長官爲輔弼而

易左右僕射以太宰少宰名官諸皆釐正然而亂政  
亟行晚罷政復令其黨建白古太師太傅太保爲三  
公令乃稱三師司徒司空周六卿太尉秦主兵之官  
今覆爲三公非制也宜復古三公爲真相三孤少師  
少傅少保爲次相蓋一復周官之舊而京乃復以太  
師三日一至都堂治事復柄國毒痛於天下乃其時  
鄆王肅王以皇子童貫以中人皆得官師傅諸嬖倖  
走馬承授得擁使節方士黃冠畢玷清班則壞弊極

矣建炎初復國初同平章事參知政事之舊乾道初  
更爲左右相而建設非人亦將如官何哉嗚呼不得  
於道揆法守之意而取必於建置其效已可覩矣

宋官制

刑部北門

尚書省

禮祠膳主

吏封勲考

三

中書省

六

又名二

十四司

省

部

戶度金倉

門下省

兵職駕庫

工比虞水

太常

宗正

光祿

九衛尉

司農

寺大府

大理

鴻臚

太僕

國子監

五軍器監

將作監

監少府監

都少監

諸監司諸

路諸州縣

職官

按以宰相而兼他官本非令典唐制所謂反輕宰相之體是也然時方用兵則兼節度使崇儒學則爲大學士急財用則爲鹽鐵轉運使益以國家方重其事而以宰相提綱則下不敢以泛泛之司存視之猶有說也至於三省則俱爲政本之地無所不統長官則宰相所謂中書門下同平章事是也佐官則參知政事是也元豐改官制既以中書門下同平章事爲左右僕射參知政事爲中書門下侍郎尚書左右丞矣

而復以左僕射兼門下侍郎右僕射兼中書侍郎則是既自有佐官而復出長官兼之贅龐甚矣節度使在唐爲閫帥觀察團練使在唐爲監司防禦使在唐爲邊將刺史在唐爲郡守至宋則閫帥監司邊將郡守各別有以名其官而節度承宣觀察團練防禦刺史則俱無職任特以爲武臣遷轉之次

州之名起於虞十有二州後世刺史之所治是也郡之名起於秦三十六郡後世太守之所治是也隋廢

郡以州統縣然郡卒不可廢也至唐而復之然唐太守俱稱刺史使持節蓋所治者太守之事而所稱則州牧之官矣故所謂治中別駕之屬其在歷代本州之佐官也唐郡守稱刺史而遂以治中別駕爲郡官屬矣然唐州牧之官爲節度觀察諸使而其屬官則有推官判官書記支使之屬至宋而節度觀察特爲貴官之虛名初不預方岳之事而州牧之任則自有閩帥漕憲等官而各臺又自有掾屬若唐節度觀察

之屬官則反爲列郡之元僚蓋雖冒以節度推官觀察推官判官書記支使等名而實則郡僚耳

唐宋官制總述

嘗考之唐宋建官名乖職冗太師太傅太保謂之三師太尉司徒司空謂之三公中書門下尚書謂之三省御史大夫中書門下謂之三司左右散騎常侍分屬門下中書規諷獻納謂之八貂

左屬門下則左貂  
右屬中書則右貂

宰相帶平章事自唐優李靖始平章軍國重事自宋



禮王旦始畱守典宮鑰之嚴節度當方維之重觀察  
任激揚之等轉運專漕計之司其元帥副元帥宣慰  
宣撫安撫招討諸使制閭臨邊不恒置焉六曹等監  
小異而大同也侍從臺諫名殊而實一也兩朝沿革  
其大都不過如此矣然宋之冗比唐尤甚三省平章  
職皆宰相而中書與樞密又稱兩府分主兵民一制  
誥也而學士而舍人並稱兩制學士掌內制舍人掌外制一秘書  
也而三館昭文館集賢院史館而秘閣而秘書省一御史也而

侍御而殿中而監察

侍御史稱臺院殿中侍御史稱殿院監察御史稱察院號曰三

院

而裏行

監察御史裏行即今之試御史

以檢校官兼中書令侍中

同平章事官階極品並謂使相不以使相與曹斌者

此也以節度使同平章事任尊將相亦謂使相寇準

使相判河南者此也其掌國計有三司使

此三司謂鹽鐵使戶

部度支也置使領之號三司使

掌殿庭宣答有宣徽南北二院使掌

祖宗宸翰有龍圖諸閣之官直秘殿有觀文端明諸

殿大學士其判府知州以宰執侍從其監司有轉運

提舉提刑諸名宋制然也洪惟聖祖倣周監漢不置  
宰相三公論道六卿分職糾之以都察院達之以通  
政司參之以大理寺列以寺監錯以百司文事悉歸  
翰苑耳目專任臺諫體統專而名實得矣若殿閣大  
學士論思密勿官止五品脩撰編脩皆得入閣地之  
峻而秩之卑者慮誠遠也其後閣下多由尚書例加  
公孤禮絕任崇無異宰相而天下亦以相稱之此最  
失祖宗之意者今制然也

歷代官職總論

古者因事設官隨能授職無清濁之殊無內外之別  
無文武之異何也唐虞之際禹宅揆契掌教皋陶明  
刑伯夷典禮羲和掌厯夔典樂益作虞垂爲共工蓋  
精而論道經邦粗而飭財辨器其位皆公卿也其人  
皆聖賢也後之居位臨民者則自詭以清高而下視  
曲藝多能之流其執技事上者則自安於鄙俗而難  
語以輔世長民之學於是審音治厯醫祝之流特設

其官以處之謂之雜流擯不得與縉紳位而官之清濁始分矣昔在成周設官分職綴衣趣馬俱籲俊之流宮伯內宰盡興賢之侶逮夫漢代此意猶存故以儒者爲侍中以賢士備郎署如周昌袁盎汲黯孔安國之徒得以出入宮禁陪侍宴私陳誼格非拾遺補過其才能卓異者至爲公卿將相爲國家任大事霍光張安世是也中漢以來此意不明於是非闕豎嬖倖不得以日侍宮庭而賢能縉紳特以之備員表著

漢有宮中府中之分唐有南司北司之黨職掌不相  
爲謀品流亦復殊異而宮之內外始分矣古者文以  
經邦武以撥亂其在大臣則出可以將入可以相其  
在小臣則簪筆可以待問荷戈可以前驅後世人才  
日衰不供器使司文墨者不能知戰陣被介冑者不  
復識簡編於是官人者制爲左右兩選而官之文武  
始分矣至於有侍中給事中之官而未嘗司宮禁之  
事是名內而實外也有太尉司馬之官而未嘗與兵戎

之事是名武而實文也太常有卿佐而未嘗審音樂  
將作有監貳而未嘗諳營繕不過爲儒臣養望之官  
是名濁而實清也尚書令在漢爲司牘小吏而後世  
則爲大臣所不敢當之尊官校尉在漢爲兵師要職  
而後世則爲武弁所不齒之冗秩蓋官之名同而古  
今之崇卑懸絕如此參稽互考曲暢旁通而因革之  
故可以類推矣

歷代官制變革

周典六官其來尚矣唐虞水土事殷故伯禹以司空  
居冢宰之任垂益以工虞分司空之職是時兵刑雖  
設民用不犯於是司馬司寇臯陶蕪掌之而有餘禮  
樂教化務所當先於是司徒宗伯契夷夔分典而不  
足棄后稷龍納言十有二牧食哉惟時凡以爲民也  
三代相承率由斯道秦人不師古始輕變官制未害  
也特罷侯置守尊君抑臣燔燒詩書以愚黔首其意  
惟知自奉而不知有臣民也雖然周之官制非至秦



而始變也蘇秦爲國相許歷爲國尉孫龐仕魏爲將軍而須賈亦爲魏中大夫吳起守西河馮亭守上黨西門豹令鄴荀卿令蘭陵是則守令將相之名在戰國則已然特至秦而始定耳夫是制既定於秦而漢人復因秦舊自魏晉迄於隋唐又復因先漢之名而升降之如秦漢侍衛之士謂之侍郎而近世居從索之尊秦漢出入禁闥謂之侍中而近世爲三省之長秦漢僕射之職甚卑而近世以爲宰相之任其升降

輕重雖不同第顧其所任之人與夫所以爲民之意如何耳其或煩其制以病民侈其名以尊己文貌有餘而精神不足氣血壅滯而脈絡不貫者皆未免秦皇漢武之餘習也

歷代官名沿革

人皆謂唐之官名因乎隋宋朝官名因乎唐曾不知公師保傅太尉將軍自周漢已有之二漢百官表志有侍中備顧問有僕射中常侍黃門侍郎給侍中等

皆在禁中似今門下省也有尚書令又有中書謁者  
令掌選置及奏下文書衆事似今中書尚書省也有  
尚書僕射佐令奏下衆事似今左右僕射也有尚書  
六人分爲六曹典天下集課事似今六部尚書也內  
三公尚書二人與三公文書有吏曹尚書典選舉似  
今吏部尚書也有常侍曹尚書掌公卿事有二千石  
曹尚書主郡二千石及水火盜賊似今刑部兵部尚  
書也有民曹尚書興治功作及監治苑圃似今工部  
戶部尚書也有各曹尚書似今禮部尚書也又有左右丞掌錄文書似今  
尚書左右丞也每曹有侍郎六人似今六部侍郎也

有尚書郎中似今六部郎中員外郎也不特此也少  
府之屬有御史大夫有御史中丞有治書御史有監  
察御史東宮之屬有庶子有詹事有舍人洗馬議郎  
九卿則有宗正司農太常光祿太僕衛尉鴻臚大理  
七監則有都水將作大匠等其餘如太史太祝大醫  
博士祭酒光祿大夫大中大夫諫議大夫凡此之類  
皆二漢之官名也唐豈特因隋宋朝豈特因唐也哉  
夫古今天下雖封建與郡縣不同而其民其事則同

故其所以異者封建則事要而官簡郡縣則事煩而  
官冗也周之官簡矣復以三公兼冢宰以三孤列九  
卿則其制爲益簡民胡得而不安秦漢以來官冗矣  
既有三公復有三師既有三省復有六曹既有九寺  
復有七監則其制爲益冗民胡得而不病哉隋志云  
八座六部之屬並皆如漢制又如梁武用宋齊舊制  
有尚書省置令僕六尚書有門下省置侍中給事侍  
郎有中書省置監令侍郎又有策書秘書省  
此見隋唐官名皆因秦漢魏晉六朝之舊也

### 歷代官品多寡

周官九命漢自中二千石至百石凡十六等後漢自  
中二千石至斗食凡十三等魏秩次多因漢制更制  
九品晉宋齊並因之梁因之更制十八班班多爲貴  
陳並因之後魏制九品品各制從凡十八品自四品  
以下每品分爲上下階北齊並因之後周置九命每  
命分爲上下凡十八命隋置九品品各有從自四品  
以下每品分爲上下凡三十階自太師始焉謂之流  
內流內自此始焉

煬帝除上下階惟  
留正從各九品

又置視正二品

至九品各有從自行臺尚書令始焉謂之視流內視  
流內自此始唐自流內以上並因隋制又置視正五  
品從七品以署薩寶及正祿謂之視流內又置勳品  
九品自諸衛錄事及五省令史始焉謂之流外流外

自此始

勳品自齊  
梁即有之

圖書編卷八十二